

Wien, Österreichische Nationalbibliothek (ÖNB), Cod. 5476*

1837

C A S U I S T I C I .

1838

DCCLXIV.

U. 143 Codex chartaceus lat. Sec. XV.
 Folior. nunc 161. f. per duas columnas bene scriptus, rubricisque distinctus orditur a *Calendario germanico sat astronomico*; indicatur enim quovis mense: *Wye vil weil der tag tagleich hat*, et: *An welbem tag in welber weil pei tag oder pey nacht der Mon new wirt*; idque ad Minuta. Sed *Januarius*, *Febr. Jul. et Augustus* excidere. Reliquorum Nomina der Merczz, der Abrull, der erst Maij, der ander May, der erst herbſt mon, der ander herbſt mon, der erst Winter mon, der ander winter mon. In *Austria* scriptum demonstrat Festum miniatum Cholomanni martiris 13. Oetobr. Accedunt variae Tabulae et Canones pro inveniendo et ordinando tempore ecclesiastico, et brevis Institutio de Decimis, quae incipit: *Quia ex ordinatione ecclesie in quatuor principalioribus anni festiuitatibus mandatur, quod prelati et alij seminantes verbum dei populum diligenter ammoneant et bortentur, ut Decimam in effectu integraliter ecclesijs uel clericis quibus debent persoluant. Sed quia non in omnes cadit verbum dei &c. et videtur materiam sacro Sermoni sufficere.*

II. fol. 9. succedit Expositio *Evangelii Matthaei*, cuius Prooemium infit: *Simile est regnum celorum homini Regi. Sic enim patet in accessu &c. et ipse textus: Liber generacionis ihesu christi filij david. Simile est regnum celorum homini &c. Ista uerba exponi pos-*

sunt ad buius libri commendacionem &c. Autorem, cuius fontes pertingunt usque ad Rabanum, Remigium, Bernhardum et Glosam, non reperi, et quaerere destiti, ubi ab eo doctus sum Evangelium dici ab eu, quod est bonum et gelon nunciatio. Definit ille in verbis Evangelistae: Et ecce ego vobiscum sum usque in consummationem seculi.

III. fol. 153. Tractatus de *Usura*, cuius initium: *Vsura primo communiter quid sit. Respondeo secundum Raimundum. Vsura est lucrum ex mutuo pacto debitum uel exactum &c.*

IV. fol. 160. p. 2. *Incipit epistola beati Eusebij ad beatum damasum episcopum portuensem et ad christianissimum theodonium Romanorum senatorem de morte glorioissimi Jeronimi &c. Spuria illa, jam non semel in his Commentariis relata, saepius prelo prodita, et hic imperfecta.*

DCCLXV.

Codex chartaceus lat. Sec. XV. R. 1467
 Foliorum 11. f. parte priore currente calamo et mendose exarata exhibit Excerpta miscellanea e Patribus et Philosophis, Sententias varias rhythmis inclusas, quae-dam etiam ad Res Boicas Notata v. g. *Agnetem Bernauerinn a Duce Alberto dilectam jussu Ernesti Ducis Patris a. 1435. in profecto Colmanni Danubio mersam, Anno 1467. Carmelitarum Coenobium Straubingae fundatum a Duce Alberto, et Alb. Stainhauff Praepo-*

Wien, Österreichische Nationalbibliothek (ÖNB), Cod. 5476*

1839

C O D I C E S

1840

sito Augustano fundo redemto a Stirpe Notbaft, Bavariam a morte Johannis Ducis Hollandiae divisam inter Ludovicum, Henricum, Ernestum et Wilhelmum,

quod anno 1429. adfigitur, quae-dam corrupta de origine Civitatem Lanczbut, Strawbingen et Landau, similia de Ratisbona, de qua

*Memini me legisse septem nomina habuisse
Tiburtina quadrata ratispona nuncupata
Germasheim biatospolis (vētōs) regnopolis et imbriopolis &c.*

Placet observatum: Raro breves humiles vidi, longos sapientes, albos audaces, rufosque fideles.

Fol. 6. nitidius exarata ventilatur Quaestio: *An deceat portare funera extra ecclesiam parochialem sepelienda, et ea presentare prius ad ecclesiam matricem?* Ad hanc ingressus: *Erat olim in ciuitate Memingen. Et precipue circa annos domini M. CCC. IX. circa defunctos talis consuetudo, quod caduera eorum non sepeliebantur, quacunque hora diei ac noctis morerentur, nisi prius eius exequie peragerentur, et missa presente funere in ecclesia celebraretur. Et iste exequie sive peractiones cum missa presente, ut premittitur, funere fiebant de omnibus tumulandis, sive in parochia, sive ab extra sepulturam elegissent, Et in illis tunc temporibus inter rectorrem ecclesie Sancti Martini Et priorem et fratres heremitas ordinis beati Augustini ibidem uersabatur magna questio de sepultura, quam pretendebant apud eos esse liberam, corporibusque defunditis apud eos tumulandis, et de canonica portione. Qui tandem post multas uexationes, iniurias et dampna, quas ratione buius sibi in vicem ir-*

rogarunt, conuencione inter eos facta arbitrati sunt in Reuerendum in Christo patrem et dominum d. Fridericum, tunc episcopum Augustensem pro se et suis successoribus, tanquam in arbitrem arbitratorum seu in amicabilem compositorem. Fridericus is fuerit Speth de Feymingen anno 1330. denatus. Arbitratus est is, ut Augustiniani liberam haberent quorumcunque petentium sepulturam, Corpora tamen prius ad Ecclesiam parochialem deferrentur, iisque praesentibus fierent sacra pia-cularia; tum, ut lis haec nunquam ad aliud tribunal, quam Episcopi Augustani devolvatur; demum, ut pars hanc compositionem violatura 50. marcas argenti examinati ponderis Augustani Episcopo et Ecclesiae Aug. et totidem Particulae pendat. Ingruente post aliquod tempus peste communi confilio Corpora propter infectionis periculum illico terrae mandari coepta sunt. Verum a. 1461. Rector S. Martini funera rursus ad Ecclesiam suam, pomeridiano tamen tempore, praesentari voluit, et Augustinianos detrectantes centum marcarum reos egit. Atque hanc Rectoris petitionem Theologus

1841

C A S U I S T I C I .

1842

gus noster adductis rationibus im-
prōbat, *sal infatuatum* adpellat,
neque satis graviter addit, expe-
dire, *vt foras proiciatur et a por-*
cis sanctum Anthonium uexantibus
conculcetur. Culpandus ipse met in
eo, quod passim urget, Defunctos
illico a morte terrae mandandos
esse.

Fol. 9. deciditur alia Quaestio:
Solet dominus Preceptor ordinis Sancti Anthonij Et rector ecclesie sancti martini in memingen Singulis annis in XL. aliquando in die cene domini, aliquando parum ante populo suo tale preceptum prohibitorum facere: Nullus vestrum alibi uel extra parochiam confessus accedit ad sacram communionem, nisi prius portet cedulam recognitionis, quod sit confessus. Posito hoc Casu quaeritur, utrum id licite faciat, aut facere possit? Respondetur negatiue et dicitur, quod prefatus Sancti Martini rector hoc prohibitorio precepto contra universalem ecclesie consuetudinem, contra ipsa canonica iura contra mentem doctorum in ecclesia dei ac-

ceptissimum, contra determinationem cuiusdam iuris diuini monache et buius dyocesis aliquando vicarij dignissimi (qui infra Leonhardus Gessel adpellatur) in preiudicium ipsorum fratrum magnum, in singulare grauamen populi, et cunctis in maximum scandalum iniuste et inique utitur. Quae Adserita singula suis deinceps rationibus fulciuntur, contra quas tamen etiam hodierna praxis militat. Ceterum facros Curiones in tuendis juribus suis, praesertim post induitos Mendicantium Ordines, non semper modum tenuisse, ecclesiastica et maxime Galliae, docet Historia. Confilium suum etiam hic iracundius paullo concludit Noster: Ergo securis ad radicem huius arboris ponenda est, uel saltem eradicandus et in ignem mittendus. Quis, amabo? Rectorne S. Martini? Non sane Radix aut Arbor, quibus feminino genere utimur. Utrique Confilio subscripsit: Hec cum protestacionibus in scolis theologorum consuetis &c. An e Tübinganis Professoribus fuit?



C O D I -